



地 350.151
942

江城縣政府徵集省志資料



江城縣保訪省誌資料



江城縣政府徵集省志資料

兵事



江城縣治昔稱猛烈街元明以前為獮夷所居自清雍正後有李趙馬張四姓及保羅相率佔據夷酋強橫爭鬥迄無寧歲然以文化不通紀載闕如凡兵戈匪患人事天災俱無考從查迨光緒十三年春木憂土匪陳定邦白亮采等聚眾叛亂四月遼縣民鄧武舉炳焜下京會試旋里奉他郎撫冀府張營遊府蘇密札飭設法拏辦炳焜即一面聯絡元郎保甲一面函約該陳匪定邦來城意欲設計捕擒不料該陳匪抗不赴約竟於五月三十日率眾五六百人將縣屬六能堪木憂舊城普方里方等處燒殺搶擄一掃而空並將第三團六能堪

團長蔭襲土弁蘇長春殺傷將其家人俘因而去匪勢愈張燒殺劫擄木憂六能堪等附近村落四十餘村被害者達一千餘戶防邊團練屢戰敗績七月戊辰署他郎通叛張舒翰率元郎鄉團追擊陳匪於義馬村斃匪十餘是役也武舉鄧炳焜力戰陣亡賊勢益更猖獗冬十月陳匪定邦復大舉進攻寇擾匹馬河堪去渡桃樹坪各處團勇先後潰敗練木江城李火張得林等亦戰賊死之陳匪愈行進攻柏木山大興寨等處江城全境之不渝於匪窟者僅猛烈街一隅而已於是地方紳首泣請晉洱總兵於腊月初派遣叅將梁士偉率同守備馬成龍團總孫世泰等督兵攻勦破陳匪於大興寨定邦遁走柏木山擒獲匪先鋒馬利拉陣殺從賊三十餘級奪獲旗

幟器械無算戊戌庚子馬成龍攻克馬鞍山梁士偉攻克老蘇寨木憂
舊城孫世泰攻克紐薩渡梁支山哈吧梁子等處陣斬賊目張普黑及
從賊三十餘名癸卯丙午馬成龍克復老謝寨梁士偉孫世泰克復
木憂八寶樹等處斬賊目及從賊十三名該匪等四散逃走我軍連
日追捕擒俘無算迨十四年春正月官軍既克復各壘乘勝攻擊斬
賊目白里福一名陳定邦率黨逃入處糯箐併力死守我軍招降
匪黨楊發昌飭其潛解脅從擒獻首逆乙丑賊營自相攻殺我軍
乘機進擊擒獲陳定邦弟兄斬之斃匪甚夥餘衆潰散事遂平
然以餉糈之供應兵匪之踐踏地方元氣大虧村落蕩如邱墟無論漢
夷皆一貧如洗矣

根據江城縣檔案
及普洱府誌



匪患

(1) 清同治末年有景東縣民黃阿初流寓至南掌國國王招黃為駙馬未幾黃判亂回國沿途被其攻克猛地三十餘城光緒二年率黨七八百駐紮於江城縣烈街及鄰近村寨為盤踞久居之計黃為魁偉猛勇鄉紳畏其強橫勢眾莫敢誰河嗣有武舉鄧炳焜將黃計誘入武廟為紳民楊維珍手戮於武廟街口將黃阿初首領集示其黨始潰散事遂平

(2) 清光緒初年中法諒山之役和議既成有遣散粵將魏明高因無力返國遂率兩粵退伍兵及眷屬二千餘繞

道至南掌國藉催解貢品名目劫掠擾亂嗣被南掌國王藉剿魏明高由猛烏敗退回國於光十四年駐紮江城烈街及附近村寨肆行劫掠擄掠經猛烈紳民稟請元江州主章轉詳普洱道檄委李協軍雲到烈屢次開導遣散而魏總以就食為辭決無去意嗣經地方紳老呈請省憲核辦適岑毓英為雲貴總督念其同鄉不肯遣散地方官紳莫如之何嗣因岑在滇病故而魏無所依恃始聽駐猛烈普定左營營官梁士偉哨官溫以讓團紳楊炳謙等勸諭並呈省憲派員到江城招安編遣於是魏明高始率眾出境

事見猛烈彭氏藏稿

(3) 民國五年、我國嚴令禁煙、一般奸商、皆赴法屬安南私辦鴉片、每於三四月間、由江城邊境偷過、即有石屏匪首何朝英、率匪徒三百餘、過李仙江、到縣屬西北鄉、搶掠煙班、欲乘機來撲江城、(烈即街猛)經駐防猛烈之墨江游擊分隊長馬遵湯、及彈壓委員石雲根、探悉匪情、召集民團百餘、馳往三棵磚大竹筍一帶兜剿、雙方開火、對敵數日、始將何匪擊敗、退回江外、是役也、陣亡隊兵四名、現俱崇祀忠烈祠、匪方亦擊斃四十餘名云、



天災

(1) 火災

江城即猛烈僻處邊荒距內縣十有餘站兼以地瘠民貧漢少夷多域內齊民大都編草為屋而居一遇亢旱火災則數家之村落頃刻化為焦土者歷有所聞尤以清光緒十四年春陳匪定邦敗退後復於三月三日猛烈街縣即城今倏遭火災延燒街坊民屋百餘家兵匪蹂躪之後閭村又遭焚如蓋藏悉為灰燼居民一貧如洗語云禍不單行此之謂乎後經地方士紳呈請上憲卹賑然粥少僧多終無補於赤貧比來民多改建瓦屋火災

亦漸少矣

(2) 瘟疫

江城居民之比例漢一而夷九智識鄙塞固陋平居不知講求醫藥衛生一遇病疫惟以咒訣巫卜為事殺鷄鴨退鬼崇束手待斃而已民國九年冬境內瘟疫大作漢人稍知醫藥猶有一二可救四鄉蠢夷則沿村逐戶死亡枕籍積屍無人抬塋至用女傭拖埋如枕籠枕杭一帶交界地方逐村死亡殆盡腐屍滿室飽諸犬豕野獸者不計其數城鄉死亡共計三千有零村落邱墟蓬蒿滿庭傷心慘目不堪回想言念



及之^{今猶}不禁悲從中來也。

又民國二十年夏秋兩季、長晴不雨、氣候失和、境內瘟疫盛行、大小村砦、山陬僻壤、傳染俱遍、由四月以迄九月、里巷悲泣之聲、無間晝夜、令人慘不忍聞、霜降之後、才告寧息、計死亡一千七八百人、去全縣人口十分之二、村間棺木早盡、大都席裹坑埋、滅門絕後、比比皆是、綜計民九及二十兩年、先後死亡、已達五千餘人、誠數百年來未有之奇災、實人生大不幸之遭遇也。

(3) 水滂

民國二十一年、自國歷五月以至十月、境內雨水連綿、無三日晴、江河泛溢成災、溺斃村民八九、田中稻穀腐濫、芽長寸許、無法收穫、損失已屬不貲、城市鄉村、民幾絕食、牆屋坍塌、不勝枚舉、城內有劉安順者、閤家六口、一時被牆倒塌、斃命、不遺噫慘矣。



改縣


猛烈改縣倡自民十以前祇因籌款艱難遂致停頓迨至民國十六年普洱道尹徐以猛烈地處極邊強鄰逼處為普思邊藩衝要關係極為重大非改縣治不足以鞏固國防遂與車里五福佛海鎮越六順等處同時籌劃進行改猛烈為縣治一切事宜並令飭卸猛烈行政委員徐實調查境內戶口錢糧區域呈請省政府核查在案迨至民國十七年普洱道尹調陞雲南省民政廳長對於猛烈改縣一節進行益力復呈請省政府於九月十三日提出第一百一十次省務會議當經議決如

擬試辦並飭猛烈行政委員徐實體查情形積極籌劃進行並批定縣名為江城呈候核奪此江城改縣之開端也當經省政府核奪如擬照辦一面暫刊發木質江城縣印俾資信守一面轉呈中央內政部核准註冊備案及鑄發正式銅印於是前猛烈行政委員高立權遂於民國十八年十二月十七日啓用江城縣印信實行宣告成立縣治然經界賦稅戶口尚未劃定所謂江城縣者不過徒有其名耳迨至十八十九兩年雲南省民政廳長張第二殖邊督辦祿委令寧洱縣縣長孫天霖赴江城履勘劃定東南西方以李仙江與墨江分界西

北由唱聘起點將猛野井各地劃歸與寧洱縣接界西
南將整董劃歸與寧洱接界填卡劃歸與法屬安南接
界面積十餘方里人口五千餘戶至李仙江為江城墨
江兩縣之交界沿江各渡捐據當日除縣長勘定由江
城墨江兩縣均享其利當經縣長協同孫委員天霖會
銜呈請民政廳核示批准有案嗣於民國二十一年六
月墨江縣伸民忽翻前案呈請省政府令普洱督辦祿
復派委張委員孟希到江城另行履勘而墨江縣長
亦派員前來力^爭於是張委員遂會同江城官紳開會另
定江渡各猛野井權限自李仙江以上居浦瀘鹿馬等

渡之權利劃歸墨江自李仙江渡下填溜渡劃歸^{江城}其
猛野井則距江城僅百里於治理上自應劃歸江城當經
張委員轉呈省政府核準備案從此江城界務當可決定
矣此猛野改縣經過之大畧也竊查江城區域係由元江
墨江寧洱象明四縣之甌脫地劃改成縣故對於經界之
勘定屢多爭持遷延^{諸要政因}況以草昧初開地瘠民貧漢少夷多
民智錮蔽達於極點而教育建設自治賦收入無幾政
府及地方一切政費無從羅掘三載以來雖經縣長文新
潔己奉公涓滴不染竭力籌提以補充之終以杯水車薪
窮於應^付故對於一切縣政之計劃設施實屬難與鄰封各

縣相比將此江城改縣五年以來之實況也



路政

江城僻處極邊地，瘠民貧，道路崎嶇，商旅裹足。在未改縣以前，從未修過路。^道自民國十九年縣政成立，縣長文新^李到任，於二十一年一月，奉民政廳嚴令，限三個月，須將主要路線完全修妥。奉令之下，遵即召集建設局長及地方團紳各區鄉長，實地計劃，籌商於城區十里以內，飭由警團囚犯及城內民衆負責修築，概用石頭鋪成，寬六尺之石路。逐日由縣長及派名譽員監督工作，其連接元墨恩、晉鄰封及往法屬交界之各縣道，則飭建設局長及各區保甲頭目督率各區民衆認真開挖，並委名譽


監工員多人赴各區實地監督，照限定尺碼竭力工作。於民國二十年一月開工，迄本三月底已將全縣各縣道及重要之村道完全修築成功。土路一律修寬九尺，石路則寬七尺。由縣城北行，達李仙渡、魯馬渡，與元墨交界，兩路共長二百八十里。南行直達法屬，長八十里。西行抵寧洱界，長一百五十里。東行至壩溜渡，直抵法屬，長一百二十里。西南至大路邊抵法界，長六十里。又由李仙渡西行達猛野井，係駁藍大路及至整董區至易武兩路，約共長三百餘里。東西南北共計長一千餘里。所有江城縣地界以無^內論縣道及主要村道俱於民國二十年三月

一律修挖貫通、昔日之鳥道羊腸、一變而為康莊大路、往來無阻、商旅稱便、曾經呈請

普洱督辦祿及省政府派路政委員到縣視查、呈核嘉許在案、比來接年修補加寬、民人往來、益稱便利、此次第十二區政務視查員張新元到境視查、稱可為吾滇各縣之模範、已將上述路政各情呈請省政府嘉獎矣、

變而為康莊大路

最近之黨務
江城初改縣治界務未清一切政務未經組設完畢故
於黨務一項尚未辦理



境內之經緯度與流星隕石

江城縣治區域係由元墨寧及象明等四縣插花地劃
併而成其經緯度從未詳細推過以中國地圖考之約
當北緯二十二三度與以北京為子午線之西經十一
二度之間至流星隕石則並未見聞



境內之溫度雨量風向

江城地近熱帶，故氣候較之內地稍熱，但極熱不過華氏表九十五度，寒不過四十五度，霜雪稀少，雨量較他縣為多，蓋因四面江河環繞，境內森林茂密，含蓄水氣過多之故也。惟無詳確之測候，故未紀錄。



境內之山脉水系溫泉毒泉火山河流

江城縣山脉係由普屬魯馬江邊菜子地過江入境內之整董由整董南行下法屬猛烏復由猛烏楚而北行至縣^屬桃子樹村脫峽為茅作山到大路邊寨^音經南邦甲為赤坑大山過冒逢寨出楊柳溝山西南行數十里即為樂高大山復東行數十里為營盤山即縣公署所在地也

境內水源發自中部之楊柳溝水流淺小褰衣可涉東南行七八十里經東一區茗海鄉稱為腊戶河又南行數十里至南一區慶雲鄉與縣城之草皮壩河相匯水

勢始大楚而行經西區寶藏鄉營盤山脚復向北而行至猛野井稱猛野江前清光緒間於渡口設船二支水夫二名以渡往來行人民國初年已無存今則於夏秋水漲時另設小船以渡之由猛野復北行經北二區寶藏鄉更北流至北三區普惠鄉魯馬渡口則與李仙江匯合復東行為居浦渡李仙渡及壩溜等大渡口以江渡與墨江縣分界更東南行流入法境再行五百餘里而為猛菜大渡口矣縣治東南西北俱為江城^流所環繞此江城縣名所由稱也至江流並無變遷亦無溫泉毒泉故未載及